

INSTITUTO DO PETRÓLEO E GEOLOGIA – INSTITUTO PÚBLICO (IPG) SIMU VISITA HUSI REPRESENTANTE KOMPANIA *SCHLUMBERGER* IHA TIMOR LESTE

Instituto do Petróleo e Geologia – Instituto Público (IPG) iha kinta feira (3/9/2020), simu visita husi representante kompania *Schlumberger* iha Timor Leste (Sr. Jorge da Costa Freitas), hodi halo diskusaun Institusional entre IPG ho *Schlumberger* hodi identifika possibilidades kolaborasaun no apoio servisu entre Instituisaun 2 (rua) iha future oin mai.

Durante diskusaun, Instituisaun 2 fahe informasaun no kondisaun servisu liu-liu kona ba plano jeral no asaun entre Instituisaun ne'ebé maka atu hala'o, no informa mos akordu tékniku ne'ebé mak tuir plano sei estabelese entre IPG ho kompania *Schlumberger*. Akordo tékniku refere relasiona ho apoiu tékniku balun ne'ebé tuir planu sei oferese husi kompanha *Schlumberger* liu-liu iha area Jeofízika no Jeosiensia nia (G&G) ba IPG iha tempu badak.

Aleinde halo diskusaun ba servisu hamutuk entre IPG ho kompania *Schlumberger* iha futuro, iha tempo hanesan, representante kompania *Schlumberger* mós hakarak kongratula estrutura no responsável foun IPG, ho esperansa katak ho strutura foun nia prejensa bele fasilita servisu no kolaborasaun entre IPG no kompania *Schlumberger* diak liu tán iha futuro.



Diskusaun entre reprezentante husi Kompanha Schlumberger (Sr. Jorge da Costa Freitas) ho Presidente IPG (Sr. Gabriel Gaspar Aparicio de Oliveira), Vice Presidente IPG (Sr. Oktoviano Viegas Tilman de Jesus), Asesor Tékniku ba assunto Monitorizasaun no Avaliasaun (Sr. Agostinho Andi I.) no Oficial Jeofíjika (Sr. Juvêncio do Rosário).